

续古逸丛书

侯吉達生書

司空表聖集卷第六

一鳴集

碑

王縱追述碑

華師許國公德政碑

解縣新城碑

故鹽州防禦使王縱追述碑

夫爽貫五行粲星芒而騰列靈標萬彙挺人傑以降祥
式贊鴻鈞乃符玄感恒運網緼之化潛融橐籥之和然
而拂日身松必生於喬岳環天重器亦鑄於洪鑪水積
厚而蛻鵬門愈高而容駟克蕃今緒固在華宗况自緱
嶺上征姬邦委馭代爲著性人不乏賢或濟美於參墟
或炳靈於汴水祥分鐵印系惣旒源西晉殊勲則榮連
邳第北朝雅望則地顯官婚賂謀各著於神家致用皆

光其佐命朱輪華冕豈獨推恩甲令門風實先種德是
資弈葉誰與提衡公諱縱字希聖太原祁人也曾祖某
譽台貴遊跡追高矩冥鴻不失天爵逾優祖勗皇任潭
州端氏縣令價重儒林行熟士範早推仁於宰字已屬
望於公台父載皇任檢校祕書少卿早振宏猷
雅多奇節自激封侯之志欲垂濟代之名位爵於時慶
延其後宜鍾秀氣歷佐昌朝公幼挺英姿夙彰傑操鎔
金入用百汰唯精建木標奇千尋自直稟悅禮敦詩之
教蘊經文緯武之材欲紹家聲遂叅戎右研精玉帳演
祕金韜陰符必勝之機制於掌幄敵國相吞之策決在
毫釐氣蓋三河聲高六郡長慶初以力戰拜兼監察御
史名藩振跡初加駁貴之榮憲府揚威更帖承華之秩

大和九年授河中馬步都知兵馬使別選材官教成騎陣自茲出討所向無前開成中宰相鄭公肅允屬鎮臨尤稱鑒略仰賢有素授任不疑擢奏馬步都虞候揔中權之劇務示列國之上卿喜動旌旗威生里巷得人之盛他鎮罕儔會昌二年武宗以迴紇累荼憑驕緣邊扇酷又事掃平之計尤難將領之權旣而蒲帥石公雄授命濯征物戎出塞公爲都知兵馬使捐家誓報蓄銳別營虜陣猶堅軍鋒稍壯未振鼓行之勢空稽廟筭之籌公內決一奇中分千騎出徒間道擊若疾雷已繼捷書方麾大旆豈俟排山之力乃成破竹之資大烈風驅震天駭地血滂大漠則傾洞長河顛積高山則亘連絕塞單于傾種貴主還都克宣宗社之靈頓雪人祗之憤腥

一四集六
二
殫盡滌氛侵皆銷萬里長城允膺朝寄九重高枕永殒
國難壯糠麟閣之雄孰爲上將贊頌龍庭之績彼獨何
人上乃遣中貴人劉英侔賈詔慰勞自殿中侍御史超
拜兼御史中丞太尉李公父秉大權素無濫賞儻非公論
莫致驟遷又拜晉州司馬上黨興祓復提王旅太原崇
亂兼鎮郡符授沁州刺史外訓驍雄內蘇疲瘵殊庸旣
顯善政亦聞權邢州刺史充本州團練使山東叛命積
年人爲難理公揣情設教俗乃驟移禮讓旣行里閭相
勉旋當謝疾莫遂乞留驥路未伸崔羅無愠忘距忘於
憂魯言恐及於平吳久之拜右龍武軍將軍仍知事環
翼宸居僉諧宿德刻煩苛必積弊罷浮慝於甯名心膂
所資艱難自肅雖居中而特重每急病而讓夷宣宗皇

帝以河隴陷戎祖宗遺憤將謀恢復翹注忠賢又屬鹽
州守臣政通人和豐連羌部雅重專城之選仍當錯節
之難公簡在宸衷對於便殿伏波強記備述山川充國
勇行請圖方略仍授鹽州防禦使檢校常侍周殘之後
輯睦惟艱虜交未固於解仇漢爵已頒於疑塞兵農競
勸夷夏肅齊旣而間使行邊飛章言狀上乃臨軒嘆激
累詔褒楊獨授中規希其重任繕魯州之堅壘食力兼
儲資隴右之威聲墟捧漸闢和薰曠俗惠洽惇嫠已彰
托境之勤即議疏封之賞方延渥澤別蒞雄藩而運籌
時來福虧冥連中峯而岳裂襲右將以星沉色慘朝
端悼深宸極雖荊州罷市衡紀屢遷而蜀郡奉詞謫
未息古之遺愛無以加焉咸通三年三月三日薨享年

六十八理命具有憂邊是切益勵鑿楹之誠如傳鏤鼎
之勲某月遷定於某處祔先塋禮也地啓佳城儀陳詔
葬舞鶴既占於形執謀龜乃兆於公侯封樹增嚴音英
如在皆知世紀之必昌矣初大理府君娶于隴西李氏
追贈隴西郡太君簪組聯華蘋蘩頌美公實為嫡嗣娶
某郡石氏今封祁國太夫人四德兼崇六姻推敬早貽
芳於閨範宜應禱於河靈保是鍾祥成其鼎貴五子長
曰重章少稱豪爽深究韜鈴從擊凶奴著勞盟府歷諸
衛將軍終威州刺史次曰重簡今任華州防禦使檢校
兵馬尚書朗拔逸群惠和得衆左馮致捷宏略居多
次曰重盈今任陝驍觀察使檢校左僕射沅機中濟雅量
外夷撫寧西河鎮靜東道次曰重榮今任河中節度使

平章事明澄海鏡饗震霜鍾體先覺以通竒應旁求而
聘績錙銖王佐表映人宗自此府初援副車即持戎律
外師謀入危城勢遙四隣閑境以相觀一柱中天而獨
立首排群議決策勤王賑贍諸都拍揮突將破連營以
通西路質季弟而撫北軍同華旣平閑防盡闢繼納歸
盟之衆遽成尅復之功羈制奸豪保安封守而又處勞
期逸推捧僦徒環築解城峻增閑壘舉無遺策動必中
機巨極底寧議勲殊等次曰重益勇而知義和以秉謙
履險不疑輸忠必竭以任子拜左千牛衛將軍初先公
之捐館也清塵末遠儉節弥彰產薄一壻家徒四壁太
夫人保和安遺演訓擇隣俾蹈前修皆能聳構且及親
之貴自古罕兼老萊則空耀彩衣多慙紱冕潘岳則唯

稱壽酒固之鼎彝豈同大國進封高堂拜慶劉加二驥
荀併八龍相印師壇共觀畫錦金相玉映各炫晨葩猶
陳斷織之規寧軫倚門之念一女早適溫氏致克和於
鄉族亦稟教於母儀而又慈訓諸孫蔚爲令器亦外寵
秩森列庭闈方傳帶礪之盟寶冠古今之盛夫力攘大
患顯致陰功則必降祐于上玄紹熙來裔永夷堅敵累
洽仁風果培樹善之基益遵勝殘之報司徒相公以豐
功繼志異政傳芳褒崇致感於涌泉紀述欲先於表道
謀刊懿烈辱命無詞合申起敬之誠敢避非才之誚竊
以祥渾流裔文武爭驅家誅雖分靈根共貫至公崇上
宰績贊中興彼江右之蟬聯昔慙丕運我晉陽之龜組
今煥盛時綿祚層瀾盍雕豐砥

銘曰

維德有融維賢克嗣禮法貽舉勲華命瑞雜躡芳塵紛
綸寶氣武烈披顯儒風橫被績茂佐泰名高輔魏繼祖
無忝圖徵因墜

天臨我唐瑞降文昌驅崦逸發架浪雄張虹據耀采虞
震飛鏗英標激俗峻節凌霜研竒制變料敵摧強量吞
巨壑威懾窮荒

申命寶臣允茲薄伐壯志逾勵沉謀獨決日逐偷魂天
驕浴血魚寶窟鼎蟻懼搜允輶輶下碎攬搶上史利尽
長驅聲稜有截

我武惟揚我罰用張俾侯寵錫謁帝休光和如金石著
在旂裳內司環衛外峻巨防通班石室進秩銀璫臨機

必斷視物如傷

兩地緝綏五原惠愛禦侮材難開壇計大日駐麾戈雲
橫出塞白虜迎降青羗自潰寃守益嚴資儲永賴轉軸
摧輶楊旂委旆

禎融積慶祚表垂仁綿休自遠啓映惟新茶茶令嗣濟
濟良臣名藩重寄暢敷文茵門交華戟地鼓洪鈞推忠
致主履孝榮親

潤接靈長勝資磅礴此非松阡昔圖煙閣漢詔勝褒夏
卿荐渥林蔚逾繁源深不涸刊尔將來緬懷可作克濟
寵珎永延懿鑠

華師許國公德政碑 奉勅撰

臣常跪讀貞觀政要伏觀

太宗文皇帝即位之初每以爲將致沉平必先仁誼在
得賢而作又乃錫祚而永延治古足徵格言可鑒豈不
以化馴則易服威肅則難齊者哉然政教初張德刑具
舉文衰則削將弊也其風必僣武瀆則危將亂也其政
必暴始於厚俗方克濟和視今足已知昔矣聖唐照臨
萬方韜軼三代固資大力實廓帝圖神靈蓄不測之威
征朔被無垠之俗皇帝中興昌運丕顯耿光洞德澤於
六幽雲蒸其潤仰徽明於八表日煥其文內輔外藩而
允諧上衽下肅而迺勸太平之祉可固矣乾寧元年上
因御便殿遂出鎮國監軍使董重彥所奏前後將吏軍
人百姓僧道等懇請爲其師置生祠紀德政表章俾揚
陟狀宜允衆情宰臣亦僉謂近鎮大臣諒能推心及物

第因牢讓久蓋嘉庸宜徵撫實之詞用著不嚴之治翊
日遂請詔吏部侍郎司空圖條次所上刊示無窮
謹按華商節度使太尉潁川郡王許昌人也汝穎標奇
勲華襲燠偉登壇而挺佐壯柱國以連榮間氣迴鍾英
材卓振殖爲岑鼎用作雄銓志不急於封侯誓唯堅於
効節累陳祕策俄領偏師繫身而遽出險中振跡而旋
歸行在詳觀機變乃控河潼旣申匡復之謀實顯肅清
之効師徒自戢都邑晏然大駕旋迴宸衷乃睹撫綏益
至疲瘵漸蘇初王之到理所也公署僅存人烟殆絕晝
靜而狐狸傲視風驚而鷄犬蔑聞王寢興匪寧吏士相
勉山祗應禱膏澤以時稍實倉箱漸知禮讓纔踰暮月
自復流移兒童公路而不驚草木罹霜而亦潤閔哉無

阻旅次皆安汚萊盡闢荒宇兼倍其新附土衆亦競課
農桑凡資生聚莫不蕃息加懇公私田若干頃畜收藝
植亦皆稱足但三縣兵荒之後雖賴招懷數郡節制之
師必申威略匪招懷何以附衆匪威略何以安人動則
經戎靜則濟理食和自化別爲君子之營仗順無前亦
有諸侯之矧其始王之入乎京室也商州程景思乘虛
擄襲欲恣攻凌公馳自青門戰于赤水其羣軍臨陣剪
滅驅係而王者並解甲縱之明年秦宗權復遣賊將圍
逼陝郊魏州刺史張存背陝迎降旋又持疑構陳遂密
表請狀部伍據閔捍敵曾未決旬遽聞失守蔡將張琢
席卷深入兵近五千王所統見軍不踰六百率先士卒
盡殫兇狂不崇朝而收復閔城自此藩方改觀矣又交

鋒之隘恤物猶勤遺犢弃螯皆令護養扶羸挈以免復
驚奔斯乃稔其富庶及天師北征招討使以繫仰請行
拍撫務重漚懇固讓拜章累陳竟慮上軫主憂又稽朝
旨臨危不憚赴救遠征及碯道阻艱物情沮撓猶嬰孤
寨常保万全前後獨當八十五陣擒戮五六千衆并収
奪堡寨七所而我軍未嘗敗衄王初欲事行旁無取濟
至於粮仗皆自贍持及猜沮班師險夷著節所經千里
不犯一毫竟能亘抵爲梁檠旗振旅俾威撫循之德悉
平憤激之心又屬楊復荅楊守亮之在興元密叶狂謀
顯逆狀旣連商略逾逼封畿王知岳拒命不悛迎鋒立
漬朝廷乃詢故實盖委制臨巖險飛卒農商宵旰及邠
歧合勢梁漢湏隙殘寇纔奔兇威尚熾乃命都將選精

銳五百赴商州南鄙俾其捍禦授以機權舊少激多排
山堅外寇渠折首支黨束身凡梟擒之外其所歸降并
家屬尚數萬衆實資宸筭大振國威爵賞旣行中外同
慶遂冊拜太尉本郡王食邑若干尸王常謂滿能招損
貴必期驕幹宰造之權無容入巧室間離之隙莫若推
誠誠在永能形於崇讓故自加相印太保及令封拜凡
瀝懇數士上言無不至人以爲煩朝旨莫迴絲綸疊降
隣藩方睦勉諭萬端至於恭命之時猶切履冰之懼噫
爲臣爲子安家固俟交修乃能尔訓推其錫類足以及
人體忠貞則其道適同且非黨憂社稷則其心不隱意
亦何尤內絕私嫌外周泛愛此又特政之難也致政僕
射雖著義方罕施嚴訓王恭勤備至浣濯必親臨敵唯